



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

IBANGA 12

ISIXHOSA ULWIMI LWESIBINI OLONGEZELELWEYO (SAL)

IPHEPHA LOKUQALA (P1)

NOVEMBA 2009

GAUTENG

AMANQAKU: 120

IXESHA: 2½ iiyure

Olu viwo lunamaphepha ali-18.

IMIYALELO NENGCACISO

1. Eli phepha lemibuzo linamaCANDELO AMANE angala:

ICANDELO A: Uvavanyo lokuqonda	(30)
ICANDELO B: Ushwankathelo	(10)
ICANDELO C: Ulwimi	(60)
ICANDELO D: Uncwadi	(20)
2. Funda YONKE imiyalelo ngononophelo.
3. Phendula YONKE imibuzo.
4. Bhala icandelo ngalinye kwiphepha elitsha.
5. Krwela umgca ekupheleni kwecandelo ngalinye.
6. Bhala iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
7. Shiya umgca emva kwempendulo nganye.
8. Bhala ngokucocekileyo nangokucacileyo.
9. Qwalasela upelo nolwakhiwo lwezivakalisi.

ICANDELO A: UVAVANYO LOKUQONDA**UMBUZO 1****ISICATSHULWA A**

- 1.1 Funda esi sicatshulwa sihamba nemifanekiso yaso ngononophelo uze uphendule imibuzo elandelayo.

Abuyile amagorha!

IKapteni yamaBhokobhoko aziintshatsheli zehlabathi, uJohn Smit uth e ubengayilindelanga intlokoma elamkelwe ngayo iqela lakhe xa lifika ekhaya ngoLwesibini lomhla wama-23 ku-Oktobha.

Amawaka-waka abathandi bombhoxo baphume ngendlu ukuya kuhlangebeza eli qela e-OR Tambo International Airport. Abanye bafike ngentsimbi yesine kumpondo zankomo. Bafike ngeebhasi, ngoololiwe, ngeeteksi kunye neemoto. Inqwelomoya yamaBhokobhoko ibiza kufika ngo-10 ekuseni. Bekukho abantwana nabantu abebephethe izaziso ngezaziso zokulamkela iqela lamaBhokobhoko eliphumelele phesheya kwiNdebe yeHlabathi.

USekela-Mphathiswa wezeMidlalo, uGert Oosthuizen, uth e amaBhokobhoko abonise ihlabathi ukuba abantu boMzantsi-Afrika beentlanga ngeentlanga bamanyene. Uthe: "Anisimanyanga nje kuphela – nisenze saneqhayiya saziva singamagorha nathi."

lintsapho zamaBhokobhoko nazo beziye kwisikhululo senqwelomoya ukuwamkela. Bonke abantu abebelapho bebefuna ukuwafota nokuthetha namagorha abo. Bekunzima kumaBhokobhoko ukugqitha phakathi kwaloo nginginya yabalandeli abebecula uShosholozza bekhalisa neevuvuzela.


Emva kokubuyela kwamaBhokobhoko eMzantsi-Afrika, iqela lakhwela ibhasi laqala uhambo oluya kwezinye izixeko zomZantsi-Afrika ukuze abaxhasi bonke bafumane ithuba lokubamkela. Olu hambo luphele kwisithayidiyamu saseNewlands eKapa. Bekukho abaxhasi abangamawaka angamashumi amane abebethontelene ukuwabona.

[Sikhutshwe kwiBona kaDisemba 2007 saze sahlelwa]

- 1.1.1 Ngubani oyikapteni yamaBhokobhoko? (1)
- 1.1.2 Umdlali okumfanekiso wokuqala ubambe ntoni ngezandla? (1)
- 1.1.3 Abathandi bombhoxo bebelihlangabeza phi iqela lamabhokobhoko? (1)
- 1.1.4 Bebebangaphi abathandi bombhoxo abebefuna ukudibana neqela lamaBhokobhoko ngaloo mini? (1)
- 1.1.5 Abathandi bombhoxo bafike nini kuloo ndawo uyichaze ku-1.1.3? Khupha amagama amabini kwesi sicutshulwa aza kuxhasa impendulo yakho. (2)
- 1.1.6 Abathandi bombhoxo bakhwela iindidi zezithuthi ezingaphi ukuya e-OR Tambo? (1)
- 1.1.7 Bekunzima kumaBhokobhoko ukugqitha kulaa ndawo ebekuyo. Chaza isizathu soko. (2)
- 1.1.8 Yeyiphi eyona ngoma iculwa ngabalandeli bamaBhokobhoko? (1)
- 1.1.9 Yintoni na ivuvuzela? Isoloko isetyenziswa ngoobani? (2)
- 1.1.10 Umntu oligorha ngumntu onjani? Ngoobani ke amagorha kwesi sicutshulwa? (2)
- 1.1.11 Bhala phantsi elinye igama elivela kwesi sicutshulwa elithetha into enye neli: "abathandi" bombhoxo. (1)
- 1.1.12 Iqela lamaBhokobhoko libanceda njani abemi boMzantsi-Afrika ngoluvo lukaGert Oosthuizen? (2)
- 1.1.13 Ucinga ukuba abaxhasi bombhoxo bebeziva njani bakubona iqela labo lifika e-OR Tambo International Airport? Khupha ibinzana kwesi sicutshulwa eliza kuxhasa impendulo yakho. (2)
- 1.1.14 Uhambo lwamaBhokobhoko lokubhiyoza lwaphelela phi? (1)

ISICATSHULWA B: OKUBONWAYO

1.2 Jonga le khathuni, uze uphendule le mibuzo ilandelayo.



- 1.2.1 Mangaphi amaJimbos kule khathuni? (1)
- 1.2.2 Umbhali wale khathuni ngubani? (1)
- 1.2.3 Ngubani ozisa ileta kwamanye amaJimbos amathathu? (1)
- 1.2.4 Igama elithi "Chiskop" ligama elimfanelayo na? Xhasa impendulo yakho. (1)
- 1.2.5 UShoti umangaliswe kukuba uChiskop engaxhuma-xhumi. Kutheni emangaliswe yile nto uShoti? (1)
- 1.2.6 Chaza isizathu sokuba uChiskop angonwabi akuva iindaba ezikwileta. (2)
- 1.2.7 Kutheni uShoti ebetha uChiskop? (2)
- 1.2.8 Bhala phantsi esinye isizathu sokuba uChiskop abe nomsindo ekugqibeleni. (1)

AMANQAKU ECANDELO A: 30

ICANDELO B: USHWANKATHELO**UMBUZO 2**

Funda esi sicutshulwa sithetha ngeendlela zokuthulisa usana uze usishwankathele. Landela le miyalelo xa ushwankathela.

- 2.1 Bhala izivakalisi ezisixhenxe uthethe ngeengcebiso zokuthulisa usana. Isivakalisi ngasinye masiquke icebo elinye lokuthulisa usana. Yenza ezakho izivakalisi ungakopi ngqo. (7)
- 2.2 Sebenzisa ulwimi olwamkelekileyo. (2)
- 2.3 Shwankathela ngamagama amalunga nama-40 ukuya kuma-50. Bhala inani lamagama owasebenzisileyo. (1)

Ingaba ufun' uncedo?

Kunzima ukuba ngumzali ngamanye amaxesha. Abazali abathandi le nto yokuba usana lwabo lulile lungxole kakhulu. Kukho iindlela ngeendlela zokuthulisa usana lwakho. Abazali mabaqaphele ke ezi zinto.

Usana luthanda ukubekwa esifubeni umzali ehamba-hamba nalo endlwini. Iintsana ezininzi ziyathuthuzelwa kukuhamba-hamba uluphetha. Ezinye iintsana zithanda ukukhweliswa kwiprem endlwini. Xa imozulu intle, abazali bangaphuma nosana baluqhube kwiprem.

Abazali mabangaluhlekisi kakhulu usana. Ukwenza njalo kungalwenza usana ludinwe, lungazoli yaye lulile. Xa nidibene nabanye abahlobo, abazali mabalumkele le nto yokuba usana luphathwe ngabantu abaninzi. Kubalulekile ukuba usana lufumane ithuba lokuphumla nokuzola.

Ngamanye amaxesha iintsana zikhala kakubi ngenxa yokulunywa sisisu. Thambisa kakuhle isisu sosana nge-oyile yokuluthambisa. Oko kuya kulunceda usana lukhuphe umoya yaye lungalunywa sisisu.

Usana olulilayo lunganikwa idami. Idami yinto enakho ukuthuthuzela usana. Abanye abazali abayithandi idami kwaye noogqirha bathi yona ingaphazamisa ukukhula kwamazinyo kodwa baninzi abazali abakholwa kukulunika idami usana.

Umzali onosana olulilayo makaqinisekise ukuba inaphukeni icocekile. Inaphukeni emdaka ingalwenza usana lulile. Kubalulekile ukuba umzali asoloko etshintsha inaphukeni yosana.

Ngamanye amaxesha isizathu sokulila kosana kukuba lulambile kwaye lunxaniwe. Luphe usana ukutya nento yokusela ukuze luhlale lonwabile.

[Sikhutshwe kwi*Bona* kaDisemba 2007 saze sahlelwa]

AMANQAKU ECANDELO B: 10

ICANDELO C: ULWIMI**UMBUZO 3**

3.1 Dibanisa ezi zivakalisi zibe sisivakalisi esinye.

Umzekelo: Inkwenkwe ithanda ukumamela. (Inkwenkwe) iyabhala.
Ipendulo: Inkwenkwe ithanda ukumamela ibhale.

3.1.1 Umama ubukela ifilimu. (Umama) ubhala ingxelo. (1)

3.1.2 Ihashe litye ukutya. (Ihashe) libaleke endleleni. (1)

3.2 Bhala ezi zivakalisi kwisininzi.

Umzekelo: Umthi ukhula kakuhle.

Ipendulo: Imithi ikhula kakuhle.

3.2.1 Usana luyahleka. (2)

3.2.2 Umalume wakhenketha emaXhoseni ngo-2007. (2)

3.3 Cwangcisa la magama alandelayo uze uwabhale ngokulandelalana kwawo kwisichazi-magama.

Umzekelo: abamelwane, -mela, ummangalelwa

Ipendulo: (i) ummangalelwa

(ii) -mela

(iii) abamelwane

-funda, ufudo, umfundi (3)

3.4 Yenza imibuzo eza kuhamba nezi mpendulo usebenzise amagama emibuzo.

3.4.1 Kukho abadlali abalishumi elinanye kwiqela lesoka. (1)

3.4.2 Ungayifumana iteksi kufuphi nesitishi sikaloliwe. (1)

3.4.3 Ndiza kubhala uviwo lwesiXhosa ngoMvulo. (1)

3.5 Izakhi ezikrwelwe umgca ngaphantsi zibonisa ntoni kwezi zivakalisi zilandelayo? Khetha kwezi:

(i) Isini

(ii) Ukuzalana

(iii) Ubukhulu

3.5.1 Siye sawela umlambokazi weLimpopo ukuya eZimbabwe. (1)

3.5.2 Ndiye ndatyelela ubawokazi izolo. (1)

3.5.3 Umhlobo wam wathi wanyangwa ligqirhakazi. (1)


3.6 Funda ezi zivakalisi ukhethe ibhokisi echanekileyo. Bhala inombolo kuphela.

3.6.1 UBrian ukhwele induli ngoku uyaphumla. UThandi yena usayikhwela.



(1)

3.6.2 Kukho iibhotile ezimbini ezigcweleyo, enye isisiqingatha (isehafini) nenye ize/ayinanto.



(1)

3.7 Funda izivakalisi kuluhlu A nakuluhlu B uzitshatise ngendlela efanelekileyo. Bhala inombolo kunye nonobumba kuphela.

KHOLAM A	KHOLAM B
3.7.1 Khawucime unomathotholo.	A NguSenzo
3.7.2 Ndicela undixelele igama lakho.	B Ndinenye kuphela. Ndisayisebenzisa.
3.7.3 Ndicela undiposele le leta.	C Ndicela uxolo. Ayimnandanga le ngoma.
3.7.4 Khawundiboleke le peni.	D Andinakho ukwenza njalo ngaphandle kwesitampu.

(1)


(1)

(1)

(1)

3.8 Jonga kule mifanekiso mibini.

3.8.1 Bhala umyalelo oza kuvela kumfazi wendoda.



(2)

3.8.2 Phinda ujonge kwimifanekiso eku-3.8.1 ubhale umyalelo oza kuvela kumfazi ngendlela ehloniphekileyo/ebonisa imbeko.

(2)

3.9 Phinda ubhale ezi zivakalisi zilandelayo kwixesha elibhalwe kwizibiyeli.

3.9.1 Ixhego lithanda umphokoqo namasi. (ixesha elizayo)

(1)

3.9.2 Umama akayithandi imoto yakhe entsha. (ixesha eladlulayo)

(2)

3.9.3 Inja iza kulala ebhedini yomntwana. (ixesha elidlulileyo)

(1)

3.10 Gqibezela esi sivakalisi ngokukhetha elona gama lifanelekileyo. Bhala igama kuphela.

Abafundi beyunivesithi yaseRhodes baza (kubhala; kubala) iimviwo ekupheleni kwale nyanga ngepeni emnyama.

(1)

3.11 Tshatisa amagama anentsingiselo efanayo. Bhala inombolo kunye nonobumba kuphela.

KHOLAM A	KHOLAM B
3.11.1 Ukuthethana	A Ukubheka
3.11.2 Ukuqondana	B Ukuvana
3.11.3 Ukuya	C Ukukhupha
3.11.4 Ukutsala	D Ukunxibelelana

(1)

(1)

(1)

(1)


3.12 Jonga kulo mfanekiso uphendule imibuzo elandelayo.



3.12.1 Gqibezela esi sivakalisi: Ihempe engasekhohlo imnyama kodwa mna, ndithanda ihempe ... (1)

3.12.2 Ubona iihempe ezingaphi kulo mfanekiso ungentla? (1)

3.13 Jonga kulo mfanekiso uchaze ukuba imozulu iza kuba njani ngomso.



(2)

3.14 Guqula le ncoko iphakathi kukaAyanda noSimpfiwe.

3.14.1 Ayanda: What are you doing, Simphiwe? (2)

3.14.2 Simphiwe: I'm drawing a picture. Can't you see? (2)

3.14.3 Ayanda: Yes, I like these trees. (2)

3.15 Nika izininzi zala magama abhalwe **ngqindilili** kwesi sivakalisi.

Indoda (3.15.1) ilobe **intlanzi** (3.15.2) ime phezu **kwelitye** (3.15.3) elikhulu. (3)

3.16 Bhala igama **elikwizibiyeli** (...) kuphela ngendlela efanelekileyo.

3.16.1 Ipolisa likhawuleze (-bamba) isela ebelizama ukuyiba imoto. (1)

3.16.2 Utata wam udla (-bukela) imidlalo evela kumabonakude. (1)

3.16.3 Sondelani bahlobo (-hambi)! (1)

3.17 Phinda ubhale esi sivakalisi ngendlela efanelekileyo/evakalayo.

omkhulu uqale embizeni Umlilo (2)

3.18 Jonga lo mzekelo uze uphendule umbuzo olandelayo.

Umzekelo: "Ndicela into yokusela," utshilo uSandile.

Impendulo: USandile uthe ucela into yokusela.

"Andikasengi nkomo," utshilo uVeliswa.

Sibhale kwakhona esi sivakalisi uqale ngolu hlobo:

UVeliswa uthe ... (2)

3.19 Khetha esona sifanekisozwi sifanelekileyo kwizibiyeli.

3.19.1 Abafundi bangena (qhu/qho) esikolweni phakathi evekini. (1)

3.19.2 Lo mntwana ufana (nqwa/qhwa) notata wakhe. (1)

3.20 Funda ezi zivakalisi (ZIKULUHLU A) uzitshatise nezaci ezichanekileyo (KULUHLU B).

KHOLAM A	KHOLAM B	
3.20.1 Umama wakhe wasweleka ngo-2005.	A Ukucela iindlebe	(1)
3.20.2 Ubhuti wam akoyiki nto!	B Ukungabi nolwimi	(1)
3.20.3 Mamelani manene namanenekazi!	C Ukubeka inqawa	(1)
3.20.4 Soze ndimxelele iindaba zam.	D Unesibindi	(1)

AMANQAKU ECANDELO C: 60

ICANDELO D: UNCWADI**IMIYALELO:**

- Khetha incwadi ENYE kuphela uphendule imibuzo yale ncwadi uyikhethileyo.
- Ukuba ukhetha Imbadu phendula UMBUZO 4.1 kunye NOMBUSO 4.2.
- Ukuba ukhetha Sasinoncwadi Kwatanci phendula UMBUZO 5.1 kunye NOMBUSO 5.2.

UMBUZO 4**IMBADU – GB Sinxo**

4.1 Funda esi sicutshulwa uze uphendule imibuzo elandelayo:

KUGULA OTHANDAYO

Sonke sasihamba isikolo sangokuhlwa. Sasisaqalisa sonke, kungekho namnye kuthi ekungathiwa sele nento ayaziyo. Kaloku isikolo eso sasineveki kuphela siqalisiwe. Kwakungathi ke kuthe kanti kukho phakathi kwethu oselekwazi ukufunda u "A" abe ngoyena wayeyiphiwe ngokungaqhelekiyo ingqondo. Kodwa noko sasisesemva sinjalo, loo nto ayizange imnqande uSoligoso Mpayipheli ukuba angazicingeli.

USoligoso wayenganele kuba netwebe-twebe nje kuphela, kodwa wayengoyena mntu ugqithisileyo ukuthanda izinto eziphakamileyo. Wayenxiba iimpahla ezimabala-bala, iikawusi ezikubiza ukude, kwanamaqhina anjalo; atsho ke umfomkhulu ngeebleyiza ezingqoqo nangaphezu kwamaqwarhashe.

Ngenye imini le twebe yakhe yamfaka kweyona nkathazo inkulu. Baxabana noFephiwe kaMdedlana, waza uMdedlana wamtyityimbisela umnwe, emsongela ngezisongelo ezoyikekayo. UMdedlana lo wayelixhwele eloyikwa kunene; sazala lulo yiko olukhulu sonke ke ngoko, singayazi into engasuke imhlele nangaliphi na ixesha uSoligoso olwimi lude.

- 4.1.1 Babefunda kweliphi ibanga ooSoligoso? (1)
- 4.1.2 Zazingaphi iiveki zivuliwe izikolo. (1)
- 4.1.3 Babefunda kwisikolo sasemini okanye sangokuhlwa? (1)
- 4.1.4 Caphula amazwi abonisa ukuba uSoligoso wayethanda iimpahla ezinemibala eqaqambileyo. (2)
- 4.1.5 Umntu onetwebe-twebe ngumntu othanda ukwenza ntoni? (1)
- 4.1.6 Waxabana nabani uSoligoso ngenxa yetwebe-twebe? Khetha impendulo echanekileyo kwezi zilandelayo: (1)
- A NoFephiwe.
- B NoMpayipheli.

- 4.1.7 UMdedlana wayelitola okanye ixhwele? (1)
- 4.1.8 Kwenzeka ntoni emva kokuba uSoligoso exabene noMdedlana? Nika izinto zibe MBINI. (2)
- 4.1.9 Wothuswa kukubona ntoni uSoligoso ngenye imini ehleli endlwini yakhe? (1)
- 4.1.10 Xela igqirha awaya kufuna uncedo kulo. (1)
- 4.1.11 Endleleni evela kwelo gqirha babona esiphi isilwanyana ooSoligoso? (1)
- 4.1.12 Ingaba esi sivakalisi yinyaniso okanye bubuxoki? *USoligoso wayeka isikolo kuba wayethakathwe nguMdedlana.* (1)
- 4.1.13 Nika intsingiselo yeli binzana, "Wamtyityimbisela umnwe". (1)

KUNYE

- 4.2 Funda esi sicutshulwa uze uphendule imibuzo elandelayo:

KUGULA OTHANDAYO

Kwala ngobusukwazana obungasayi kuze bulibaleke, yehla into eyayingazange icingeke. Sonke sasihleli esikolweni sethu, kwanga sibona umshologu. Kanti nguSoligoso, uhamba ngeenyawo zakhe zombini! Kwakudaleke umahluko ongummangaliso kuye. Ubuso bakhe babukhazimla yimpilo nochwayito. Sahlala apho sijongana, sibe sijonge yena, sonke sikhwankqisiwe, sifuna ukuba ubangelwe yini na lo mahluko ungummangaliso kuye. Nanko, umlomo uqhekeke wema ngeendlebe luncumo, ephethe into esandleni sakhe. Le nto uyinkonye ngokungathi ugcine ubomi bakhe buphela. Selemana ejonga kuthi, aphaathe kujonga kuyo. Le nto ayenzayo yasenza sonke asaba sibe nako ukuzibamba; sakhwaza sonke simbongoza, "Soligoso! Soligoso! Nceda usityele, mfondini, yintoni le ikwenza imincili engaka?"

- 4.2.1 Yintoni eyayisenza abafundi babengathi babona umshologu? (1)
- 4.2.2 Chaza inkangeleko yobuso bukaSoligoso. (1)
- 4.2.3 Kwathi kanti uSoligoso wayephethe ntoni ngesandla? (1)
- 4.2.4 Wayezithatha phi ezi zinto aziphethe ngesandla? (1)
- 4.2.5 Ngokweembono zombhali kwathi kanti ukugula kwentombazana nokukaSoligoso kwakubangwa yintoni? (1)

[20]

OKANYE

UMBULO 5**SASINONCWADI KWATANCI – SC SATYO nabanye**

5.1 Funda esi sicutshulwa uze uphendule imibuzo elandelayo:

IMVELAPHI YEZIMBA

Kwahlala kwahlala kwangantsomi, kwabakho indoda eyayihlala nabafazi bayo ababini, umfazi omkhulu nomfazi omncinane. Le ndoda yayibathanda bobabini aba bafazi bayo, kodwa yayithe kratya ukumthanda lo umncinane. Ngelishwa lo mfazi mncinci wahlala ixesha elide engafumani bantwana, kodwa indoda yakhe ayayeka noko ukumthanda. Umfazi omkhulu akazange ayithande le nto yokuthandwa kangaka kwalo mfazi mncinane. Waya ukhula umona kuye, kodwa wayenalo nethemba lokuba indoda yakhe yayiya kude iyeke ukumthanda, isuke imcaphukele ngokungayizaleli bantwana ithande yena wayezala. Ngethamsanqakazi elikhulu umfazi omncinane wabonakalisa ubunzima. Yavuya kakhulu indoda yakhe yile nto. Kodwa yena umfazi omkhulu wadana kakhulu kuba wayecinga ukuba ukuzala komfazi omncinane kwakuza kuyisusa tu ingqondo yendod'akhe kuye yena mfazi mkhulu. Wazimisela ukuba uza kuzama ukumcima igama kube kanye, ize indoda yakhe ijonge yena kuphela.

Ngenye imini umfazi omncinane waphathwa yinimba. Kwathi wayi-wayi ngababelekisi, abafazi abakhulu apha elalini, beze ngokubizwa phofu, ukuba beze kubelekisa. Wabeleka ke umfaz' omncinane, watsho ngequmqumazana lentombazana ekwathiwa nguyis'ehleli ngabakwazi ukufanisa – kwabona ababelekisi abo phofu. Yaba luvuyo olukhulu kuyise nakwabanye abantu, kuvuyelwa ukuba umfazi omncinci ethe wakhululwa ngaloo magqwirha ayemqhoboshile, ngabula bona. Nomfazi omkhulu wazenza owayevuya naye, nangona wayengcungcutheka ngaphakathi ngumona. Kwagqitywa ke ukuba umfazi omkhulu mayibe nguye umfukamisi ngaloo lonke elo xesha umdlezane wayeza kuba sefukwini. Yamvuyisa kakhulu le nto kuba waqonda ukuba umdlezane nontemekwane babeza kuxhomekeka kuye ngento yonke: ukutya komdlezane kwakuza kwenziwa nguye, izicakathi zomntwana zaziza kukhiwa zenziwe nguye, imithombothi yayiza kukhiwa nguye, aqatywe nguye untemekwane.

- 5.1.1 Yintoni eyayikhathaza umfazi omkhulu? (1)
- 5.1.2 Siqonda njani ukuba lo mfazi mkhulu wayengonwabanga. (1)
- 5.1.3 Nika isizathu esanika umfazi omkhulu ithemba lokuba indoda yakhe iza kumlahla umfazi omncinane. (1)
- 5.1.4 Wadaniswa yintoni umfazi omkhulu? (1)
- 5.1.5 Nika intsingiselo yeli binzana, "Ukumcima igama". (2)

- 5.1.6 Khetha impendulo engachanekanga kwezi zilandelayo. Umfazi omkhulu wayephethwe:
- A Sisikhwele.
B Ngumona.
C Luvelwano. (1)
- 5.1.7 Yinyaniso okanye bubuxoki ukuba umfazi omncinane wafumana umntwana oyinkwenkwe? (1)
- 5.1.8 Chaza iinjongo zokuba onwabe umfazi omkhulu xa kwakusithiwa nguye oza kufukamisa umdlezane. (2)
- 5.1.9 Uthetha ukuthini umbhali xa esithi umfazi omncinane wabonakalisa ubunzima? (1)
- 5.1.10 Caphula kwisicatshulwa amagama abonakalisa ukuba umntwana wayefana noyise. (1)
- 5.1.11 Chaza okwenzeka empilweni yomdlezane akuba etyiswe idliso ngumfazi omkhulu. (1)
- 5.1.12 Khetha ibinzana kwisicatshulwa elisinika uluvo lokuba umfazi omncinane wayethandwa kakhulu yena yindoda. (1)
- 5.1.13 Umfazi omkhulu wayephakela umdlezane isidudu samazimba okanye sombona? Khetha impendulo echanekileyo kwezi zimbini.
- A Isidudu samazimba.
B Isidudu sombona. (1)

KUNYE

AMAQHINA QASHI QASHI

- 5.2 Funda esi sicutshulwa uze uphendule imibuzo elandelayo:

Olu hlobo lubizwa ngeendlela ngeendlela. Abanye bathi **ngamaqhina qashi qashi** abanye basebenzisa igama lemboleko bathi **ngoorayi rayi** (oorayirayi). Le ndlela yokubiza olu hlobo loncwadi isekelwe kwindlela ekuqalwa ngayo xa kusenziwa amaqhina la. Iqhina qashi qashi okanye urayirayi luhlobo loncwadi lwemveli oluqulethe umbuzo okanye iimpindulo. Iimpindulo zamaqhina la ziba ziimpindulo ezamkelwe ngokusesikweni sisizwe eso saloo maqhina (oko kukuthi isizwe eso samaqhina lawo enziwayo).

- 5.2.1 Gqibezela apha ngokufakela impendulo echanekileyo kwezi zidwelisiweyo.
- Amaqhina qashi qashi enzelwe ...
- A Ukulola ingqondo.
B Ukusombulula iingxaki zendalo.
C Ukulumkisa abantwana abangathembekanga. (1)

5.2.2 Iqhina likholisa ukuba namazwi ayimvula-mlomo athini? (1)

5.2.3 Nggamanisa iqhina nempendulo yalo kula alandelayo. Bhala inani nonobumba kuphela.

KHOLAM A – Iqhina	KHOLAM B – Impendulo
(a) Ndinabantu bam babini bawela umlambo uzele.	A Yibhayibhile
(b) Ndinamntu wam uthu gqolo ukundisebenzela imini nobusuku.	B Ngamehlo
(c) Ndinamntu wam unxibe mnyama umlomo ubomvu.	C Yintliziyo

(3)

AMANQAKU ECANDELO D: 20

AMANQAKU EWONKE: 120